

娛也 馥音伏香相和下去遨 反音高沼之小
瑟音澀音早熙怡上許之反下余之兒嬰當盈
抱也 宵音右 繞音各使也操七刀戰
居遠反 繞綻完延二字拯蒸上声佩蒲殊
戈音縣一服鍊郎殿告胡老反扣音口亦憐真
好衣盛兒音反心稱之作拜劬勤也曾音審也
動兒也稱之作拜劬勤也曾音審也 憐音晉不
相和下去遨 反音高沼之小

怯丘迦氏音無東腸盡業反翊從去音亦下
方宿名脣下也翊從去音亦下 敝尺兩反虛寢寐上七錦反漬在智反俾牟音
擇音亦作瘡七全反痰從甘反胷必至反
病癟丘禹反瘡瘍累暉二字項痛音消眩縣
也齒疕病上於頭反瘍瘍上結病也 痘盤音直
音瘡瘍病下音瘍瘍也也瘍瘍反也擾音達
也也擾亂也

方廣大莊嚴經卷第三

王三

唐中天竺國沙門地婆訶羅譯

誕生品第七

爾時佛告諸比丘菩薩處胎滿足十月將欲
出生時輪檀王宮先現三十二種瑞相一者一
切大樹含華將發二者諸池沼中優鉢羅華

拘物頭華波頭摩華芬陀利華皆悉含華三
者諸小華叢吐而未舒四者自然而有八行
寶樹五者二萬寶藏從地涌出六者於王宮
內自生寶牙七者地中復出無量寶瓶滿中
香油八者從雪山中無量師子之子來達迦
羅城歡躍震吼各守城門九者彼諸師子
亦不燒害一切人民十者五百白象之子來
自雪山至王殿前十一者有無量天諸嬰孩
忽然而現殊女懷抱婉轉遊戲十二者有諸
龍女出現半身手持微妙諸寶瓔珞於空而
住十三者有十千天女各持孔雀羽扇現於
空中十四者有十千寶瓶盛滿香水泛以衆
華現於虛空旋達迦羅城十五者有十千
天女各捧寶瓶現虛空中十六者有十千天
女各各執持幢幡寶蓋現虛空中十七者無
董天諸媛女持天樂器現虛空中而未擊奏
十八者一切香風皆未飄拂藹然而集十九
者江河諸水湛而不流二十者日月宮殿及

朱

諸星辰皆不運行二十一者弗沙之星將與月合二十二者王宮殿堂自然寶網彌覆其上二十三者一切燈炬皆悉無色二十四者一切樓閣殿堂臺榭之上忽然皆有摩尼珠寶嚴飾垂懸二十五者衆寶庫藏忽然自開二十六者惡禽恠獸皆不出聲二十七者於虛空中演妙音詞唱言善生善生二十八者一切人間所作事業皆悉停息二十九者高下之地悉皆平正三十者所有街衢巷陌遊從道路自然柔軟散華嚴飾三十一者一切孕婦產生無難皆獲安隱三十二者娑羅樹神出現半身合掌恭敬先現如此三十三種瑞相爾時摩耶皇后以菩薩威神力故即知菩薩將欲誕生於夜初分詣輸檀王而說偈言大王聽我今所請父思詣彼龍毗園於我不懷嫌妬心願得速往暫遊觀大王精勤思惟法修諸苦行多疲倦自我懷此清淨人處在宮中亦已矣

王三

二

樹木蓊鬱初榮茂今時正可翫園林節物方春甚佳美與諸妓女相娛樂衆鳥和鳴似歌頌飛華處處皆盈滿惟願大王速垂勑王聞聖后斯語已速嚴妙好諸輦輿龍毗尼園亦莊飾又宜駕被二萬象色類白雲形似山摩尼珠寶耀其體真金線網彌其上象王皆悉六牙備兩邊交垂以珍鐸又取二萬駿捷馬朱驥白質如銀雪勒以金鞍寶鈴網其馬迅疾如風馳二萬勝兵皆勇健能伏怨敵堪營衛各擐甲冑及干戈并執闔輪將羅索聖后所乘諸輦輿摩尼雜寶間莊嚴又以車載衆珍饌於上覆之微妙妃又步車兵勇健者被甲執持諸器仗又駕無量諸車乘載以珍奇衆雜寶又以無邊諸妙寶周而雕瑩龍毗園

又以珠寶并綺繒
處處皆以名華散
汝等種種嚴辦訖
羣臣既承王勅已

奏言福壽最勝王
王聞是事心歡喜
王三尋便入閣勅內人

校飾園中好林樹
猶如帝釋歡喜園
即宜速疾來報我
尋時具物皆營辦

如所教勅皆已集
尋便入閣勅內人

復有瑞鳥聲和雅
幢旛蓋綺天衣服
諸天姝女在虛空
以歡喜心而讚歎
聖后是時昇寶乘
三千世界六種動
帝釋淨除於道路
護世四王來御車
大梵天王爲前導
而以屏除諸惡相

無量百千諸天衆
見是天衆來營從
念言聖后所懷妊
既爲護世四天王
廣設無邊大供養
無有三界諸衆生
無令異人得親近
恭敬頂禮而瞻仰
父王心生大欣喜
必定應是天中天
帝釋梵王諸天衆
由此定當得成佛
堪受如斯供養者

設令釋梵及諸龍
四護世等受斯供
不堪任故當首碎
惟有最勝天中天
或因斯供便命終
佛告諸比丘時有八萬四千象兵馬兵車兵

步兵皆悉端正勇健無敵被以甲冑種種莊
嚴執持器仗護衛聖后六萬釋種姝女翊從

若能愛樂隨我者
香薰縉綵袞衣服
珠珮瓔珞自嚴身
琴瑟簫笛挾瑟等

各持百千衆樂器
鼓吹當令出妙音
天人男女若聞者
聖后所坐寶車輿

諸姝女等爲執御
一切惡相皆除屏
四兵揔集王門首
聖后初出宮門已

隱隱如聞海浪聲
咸唱吉祥微妙頌
寶鈴寶鐸振和音
輦輿王宮自雕飾

於上安施師子座
車中傍羅四寶樹
枝葉華菓皆榮茂

圍遶王之眷屬若長若幼恭敬衛護又有六萬王之姝女作倡伎樂種種歌舞又有八萬四千諸天童女八萬四千龍女八萬四千乾闥婆女八萬四千緊那羅女八萬四千阿脩羅女如是等皆以衆寶而自莊嚴作衆伎樂歌舞讚詠翊從佛母往龍毗尼園以好香水

王三

四

遍灑其地散以天華園中草木若時非時枝葉華榮采皆榮熟莊嚴殊勝猶如帝釋歡喜之園爾時聖后既到園已遊歷詳觀至波叉寶樹其樹枝葉芬鬱鮮潤天華人華周帀開敷微風吹動香氣芬馥又以雜綵摩尼珠寶而嚴飾之樹下周遍地平如掌所出衆草其色青紺如孔雀尾能生樂觸如迦陵陀衣過去無量諸佛之母亦皆來坐此寶樹下是時百千淨居天子其心寂靜或垂辯髮或著寶冠至此樹下圍遶聖后歡喜頂禮奏天伎樂而讚歎之即以菩薩威神其樹枝幹風靡而下於是稽首禮聖后足

爾時聖后放身光明如空中電仰觀於樹即以右手攀樹東枝嚙呻久嗟端嚴而立是時欲界六萬百千諸天姝女至聖后所承事供養比丘當知菩薩住胎成就如上種種功德神通變現滿足十月從母右脇安庠而生正念正知而無染著

佛告諸比丘是時帝釋及婆婆世界主梵天王恭敬尊重曲躬而前一心正念即以兩手覆憍奢耶衣承捧菩薩其事已畢即將菩薩處胎之時所居寶殿還於梵宮爾時菩薩既誕生已觀察四方猶如師子及大丈夫安詳瞻顧比丘當知菩薩於多生中積集善根是時即得清淨天眼觀見一切三千大千世界國土城邑及諸衆生所有心行皆悉了知如是知已而復觀察是諸衆生所有戒定智慧及諸善根與我等不乃見十方三千大千世界無一衆生與我等者爾時菩薩善自思惟稱量正念不假扶持即便自能東行七步所

王三

五

下足處皆生蓮華菩薩是時無有怖畏亦無
寒訥作如是言我得一切善法當為衆生說
之又於南方而行七步作如是言我於天人
應受供養又於西方而行七步作如是言我

於世間最尊最勝此即是我最後邊身盡生
老病死又於北方而行七步作如是言我當

於一切衆生中為無上上又於下方而行七
步作如是言我當降伏一切魔軍又滅地獄
諸猛火等所有苦具施大法雲雨大法雨當
令衆生盡受安樂又於上方而行七步作如
是言我當為一切衆生之所瞻仰菩薩說是
語時其聲普聞一切三千大千世界比丘當
知菩薩於多生中積集善根於最後生得阿
鞞多羅三藐三菩提法爾如是神通變化比
丘當知是時一切衆生歡喜踊躍大地震動
而諸衆生無有恐怖三千大千世界所有非
時藥木皆悉榮茂於虛空中出妙音聲降微
細雨及兩種種天諸華香真珠瓔珞上妙衣

服繢紛徐墜又扇和暢微妙香風能生清淨
柔軟樂觸無雲無霧無煙無塵及以晴冥於
虛空中而聞清徹和雅梵音稱歎菩薩諸功
德法

尔時菩薩放大光明無量百千種種異色遍
滿三千大千世界一切衆生遇斯光者身心

安隱快樂無極一切日月諸大梵王帝釋護
世及餘天人所有光明皆悉不現是時一切
衆生遠貪恚癡憂悲驚恐亦離不善諸惡罪
障所有病苦衆生皆得痊除飢渴衆生皆得
飽滿癩狂醉亂皆得惺悟諸根缺減皆得圓
滿貧者得財繫者解脫地獄衆生皆蒙休息

王三

畜生衆生無相害心餓鬼衆生皆得飽滿佛
告諸比丘菩薩於阿僧祇百千拘胝那由他
劫修諸善行精進力故初生之時即能十方
各行七步一切諸佛如來威加此地化為金
剛菩薩遊踐得無陷裂是時世界中間幽冥
之處悉皆大明其中衆生各得相見又於此

時諸天音樂出微妙聲兩衆天華末香熏香
華鬘珍寶諸莊嚴具上妙衣服如雲而下一
切衆生皆得上妙安隱快樂菩薩出現世間
最尊最勝所有功德入不思議若欲廣說窮
劫不盡爾時阿難從座而起偏袒右肩右膝
著地合掌恭敬而白佛言世尊如來爲菩薩
時尚能成就如是勝希有事何況得成阿耨
多羅三藐三菩提

佛告阿難未來世中有諸比丘不能修習身
戒心慧愚癡無智憍慢貢高掉舉心亂不違
法律多所貪求不信正法具沙門垢相似沙
門如是比丘若聞菩薩清淨入胎不能信受
乃復共聚橫生誹謗作如是言菩薩處胎居
母右脣雖不爲彼膿血所汙何能有此大功
德耶如是愚人既不能知菩薩積集功德亦
不能知菩薩示現入胎而有如是殊勝清淨
無量功德哀愍衆生出現於世阿難諸佛如
來出現於世不於天上而成正覺轉妙法輪

但於人間示現成佛何以故若於天上成阿
耨多羅三藐三菩提者人中衆生成作是念
我旣非天何能堪任修習佛道便生退屈由
是義故但於人間成阿耨多羅三藐三菩提
然彼愚癡法賊之輩而於菩薩不思議事不
能了知橫生誹謗妄爲臆度阿難愚癡之人
尚不信佛有無量德何況能信善薩神通如
是比丘耽著利養及以名聞沉溺罪垢阿難
白佛言世尊當來之世若有如是愚癡下劣
之人誹謗此經得幾所罪當生何處佛告阿
難若未來世有如是等諸惡比丘誹謗此經
積集衆罪離沙門法阿難譬如今人滅佛善
提毀些言十方三世諸佛其所獲罪寧爲多不
阿難言甚多世尊佛告阿難若有衆生誹謗
如斯大乘經典其所獲罪與此人等爾時阿
難聞是語已身毛爲堅唱如是言南無佛陀
南無佛陀我聞彼人行如是惡身心迷悶佛
告阿難若有衆生滅佛菩提其人由此惡行

因故當墮阿鼻大地獄中阿難於未來世有比丘比丘尼優婆塞優婆夷詐謗如斯大乘經典其人命終定墮阿鼻大地獄中阿難汝於如來功德不應限量所以者何如來功德甚深廣大難可測故阿難若復有人聞此經與信受愛樂生歡喜心如是等人即得淨命獲大利益其人一生爲不唐捐已修善行已得真實離三惡道當成佛子已得深信堪受供養於諸聖賢心生清淨亦當決除一切魔網而能出於生死曠野拔憂惱箭前善知歸依獲勝妙樂如是等人甚爲希有堪作世間無上福田何以故諸佛之法甚深難信而能信故阿難當知是人非少善根而得成就如是之信何以故諸佛如來曾與彼人於多生中爲善知識阿難若有衆生於佛世尊雖未得見但聞名字即生信喜或復有人不聞佛名得見如來便生信喜或復有人雖得見聞不生信喜或復有人若聞若見皆生信喜阿難

王三

八

除不信喜當知是人於多生中皆蒙如來爲善知識其人功德與如來等即爲如來成就度脫而攝受之阿難我昔修菩薩道時諸有衆生來至我所我皆攝受施其無畏汝等今亦爲汝等拔懣慢箭阿難譬如有人父別親友過百由旬冒遠尋之得與相見暫解離念尚生歡喜何況曾得值佛種諸善根今復觀佛得爲親友而不喜耶阿難當知未來諸佛皆作是念此諸人等已得過去如來爲善知識今復值我我與是人亦爲親友心生歡喜譬如有人見親友時心生歡喜見友之友亦生歡喜阿難若有衆生於此經典少分生信我以是人付未來佛彼佛亦當作如是念此等衆生是我親友如其所願當令滿足譬如有人多諸親友惟生一子心甚憐念其人不父病欲命終喚其所親付是愛子其友受付念如己子佛亦如是未來諸佛皆是親友以

是衆生付未來佛阿難我今開悟於汝汝應
於此深生淨信當勤修習
佛告諸比丘菩薩生時無量百千拘胝那由
他天諸殊女以天妙華塗香末香華鬢衣服
衆莊嚴具散聖后上如雲而下爾時世尊欲
重宣此義而說偈言

三

將生離垢光 天女有六萬 咸出妙歌頌
讚歎菩薩母 皆於聖后前 歡喜作是言
願勿懷憂惱 我等堪供事 尊生出三界
無上大醫王 草木華葉敷 人天盡恭敬
大地大種動 名聞遍十方 如是最勝人
聖后今生彼 虛空諸樂器 不鼓自而鳴

百千淨居天 歸命生歡喜 今者聖人出
爲世作津梁 四王釋梵等 及餘諸天衆
曲躬盡圓遶 咸生歡喜心 彼人中師子
當出母右脇 光明極清淨 輻耀如金山
釋梵手承捧 振動百千界 三惡趣衆生
離苦皆安樂 天衣及天華 遍滿於虛空

諸佛精進力 此地爲金剛 導師所下足
瑞蓮隨步起 周行七步時 演妙梵音聲
我爲大醫王 能除生死病 我於世間中
爲最尊最勝 梵釋諸天等 在於虛空中
以手捧香水 灌灑於菩薩 龍王下二水
冷燄極調和 諸天以香水 洗沐於菩薩
三千大千界 一切皆振動 諸天持白蓋
并執素纓絞 遍覆於虛空 皆以寶莊嚴
持種種供具 供養人師子 有報輸檀王
王生衆相子 增長於王族 從王種姓生
當作轉輪王 統領四天下 應知釋種中
時生五百子 一切皆勇健 力如那羅延

復有報王言 婢僕名八百 馬生二萬駒
牛生六萬犢 象子有二萬 四方諸國王
同時皆慶賀 其數亦二萬 諸王咸欵附
誓首而白言 善哉最勝王 我願爲僮僕
象王金網飾 歡躍至王宮 牛有種種色
端正甚可愛 駿馬如珂雪 駿尾皆金色

增顯大王族 王應自往觀 所有衆吉祥
皆因菩薩力 天人見功德 咸生歡喜心
發願求菩提 速登無上果
佛告諸比丘菩薩生已輸檀王倍復增上而
行法行見來求者一切施與諸族姓中同於
是時生二萬女諸女之中耶輸陀羅而爲上

王三

十

首又諸僕使及青衣等所生男女數各八百
於諸男中車匿爲最駿馬生駒其數二萬於
諸馬中軋陟爲上生白象子數亦二萬四百
拘胝類樹之中菩提樹芽是時初生名阿說
他於四洲中生栴檀林於迦毗羅城四邊自
然出現五百園苑五千寶藏從地踊出如上

所說一切事物所司部錄擬供菩薩是時輸
檀王與諸眷屬聚會作是念言我子生已一
切事物皆悉增長成就我當與子名薩婆悉
達多即以種種衣服飲食慶賀菩薩此名佛
告諸比丘菩薩生已聖母右脇平復如故於
一井中出三種泉浴菩薩母又於池中出妙

香油聖后塗身有五百千天諸妓女各執寶
瓶持好香油至聖后所而慰問言安隱生子
願無上損復有五百千天諸妓女各執持
上好塗香塗聖后身而慰問言安隱生子願
無上損復有五百千天女各執持上妙天
衣爲供養菩薩故問聖后言安隱生子願無
上損復有五百千天諸妓女各執持寶莊
嚴具爲供養菩薩故問聖后言安隱生子願
無上損又有五百千天諸妓女各執持上
妙音樂鼓吹絃歌爲供養菩薩故問聖后言
安隱生子願無上損此間浮提一切外道五
通神仙乘空至於輸檀王所而白王言王生

王三

十一

福德之子吉祥無量種族增盛佛告諸比丘
菩薩生已於龍毗尼園七日七夜人天擊奏
種種微妙音樂而以供養尊重讚歎復以種
種上妙飲食施設一切釋種親族皆悉集會
讚言吉祥悉行惠施作諸功德供養二萬二
千名聞勝智諸婆羅門隨其所須皆令滿足

楚王帝釋化作端正摩那婆身於衆會中坐第一座而演吉祥微妙讚歎佛告諸比丘菩薩生已摩醯首羅告淨居天子言菩薩已於百千阿僧祇拘胝那由他劫修習布施持戒忍辱精進禪定智慧方便多聞成就大慈大悲大喜大捨心常希求利益一切已於過去諸佛深種善根從彼而生以百福相而自嚴飾勇猛決定習諸善行降伏魔怨已能成就清淨妙願名大智幢於三千大千世界中為大導師天人供養積集福德增長意樂遠離生老病死能盡邊際能於甘蔗上族中生不父得阿耨多羅三藐三菩提覺悟世間我與汝等可共往彼供養恭敬尊重讚歎及為斷除諸餘天子憍慢掉舉故令彼諸天於長夜中獲利益故得安樂故證菩提故又欲見輸檀王讚歎吉祥慶賀種族宣說菩薩定當成佛爾時摩醯首羅天子與十二百千衆會圍遶光明赫奕照迦毗羅城詣輸檀王宮頂禮

菩薩遶百千而恭敬捧持慶賀輸檀王言大王應大歡喜何以故王之太子相好莊嚴於一切世間天人之中色相光明道德名稱悉皆殊勝大王如是菩薩決定當得阿耨多羅三藐三菩提如是諸比丘摩醯首羅與淨居天子設大供養宣說菩薩定得作佛還歸本處佛告諸比丘菩薩初生滿七日已摩耶聖后即便命終生三十三天過七日已菩薩還迦毗羅城所有儀式莊嚴殊勝倍過聖后往龍毗尼園百千拘胝有五百千天女皆捧寶瓶盛以香水五百千嬌女持孔雀羽扇次第而行五百千嬌女香水灑地導前而行五百千天女於前執華掃地而行五百千嬌女以種種瓔珞莊嚴其身次第而行五百千天女執寶華鬘次第而行五百千嬌女持衆寶具次第而行五百千婆羅門執諸寶鈴詠吉祥音次第而行二萬大象種種莊嚴次第而行八萬寶車幢旛幡蓋莊嚴微妙翊從而行四

萬步兵悉被甲冑皆操儀仗倍列而行又有色界尊勝諸天執持拘胝百千那由他寶幢旛蓋於虛空中供養而行又有欲界諸天執持拘胝百千那由他寶幢旛蓋於虛空中供養而行又有欲界諸天以種種天諸寶具莊嚴菩薩之車又有二萬諸天妓女爲菩薩御是時人天妓女羅列而行天無所嫌人無所羨此由菩薩威神力故

佛告諸比丘是時迦毗羅城五百釋種各造官殿合掌恭敬稽首請輸檀王言善哉善哉一切成利願天中天幸我宮殿願最上導師幸我宮殿願歡喜悅樂者幸我宮殿願好名稱幸我宮殿願普遍明幸我宮殿願無等等幸我宮殿願功德光明具相莊嚴者幸我宮殿由是讚歎成利因緣故名菩薩爲薩婆悉達多於是輸檀王聽諸釋意即將菩薩入諸釋宮經於四月方得周遍然後乃將菩薩歸於自宮於自宮中有一大殿名寶莊嚴菩薩

王三

十三

居彼殿已時輸檀王召諸親族長德耆年凡預國姻皆悉來集而告之言我子嬰孩早喪其母乳哺之寄今當付誰誰能影護使得存活誰能慈心爲我瞻親誰能養育令漸長大誰能憐撫如愛己子時有五百釋氏之婦前白王言我能養育王之太子諸釋耆舊咸作是言汝等年少色盛心舉不堪依時養育太子摩訶波闍波提親則姨母有慈有慧惟此一人堪能養育是諸釋種皆共和合請摩訶波闍波提爲養育主時輸檀王躬抱菩薩付於姨母而告之言善來夫人當爲其母摩訶波闍波提奉王勅已命三十二養育之母八母抱持八母乳哺八母洗浴八母遊戲養育菩薩譬如白月從初一日至十五日清淨圓滿亦如尼拘陀樹植彼膏腴沃壤之地漸漸增長佛告諸比丘時輸檀王又與釋種共集議論我此太子爲作轉輪聖王爲當出家成佛道也時有五通神仙名阿斯陀與外族那

羅童子居雪山中見菩薩生時有無量希奇之瑞又聞虛空諸天讚言佛出於世又見空中兩種種香華種種衣服人天往來歡喜踊躍即以天眼周遍觀察見迦毗羅城輸檀王太子福德光明照曜世間成就三十二大人相見此事已告那羅童子言汝應當知閻浮提內迦毗羅城輸檀王太子福德光明普照十方世間之中此為大寶三十二相莊嚴其身若在家者當為轉輪聖王王四天下成就七寶具足千子統領大地盡海邊際以法御物不假刀兵自然降伏若出家者當得成佛不由他悟為天人師名稱普聞利益一切我今與汝當往瞻禮時阿斯陀仙與那羅童子猶如鴈王翔空而至攝其神足步入王城詣輸檀王宮立於門下告守門者汝可入通有阿斯陀來造於王時守門人往到王所而白王言大王門有仙人名阿斯陀願得親謁王聞是已掃拭宮殿安施妙座引仙人入仙人

王三

十四

既至呪願王言吉祥尊貴願增壽命以法為王王於是時以種種香華供養仙人延其就座仙人坐已王言大仙恒思頂禮未果所願不審今者從何而至仙言大王聞有聖子我欲見之故來此耳王言我子適睡請待須臾仙言如是正士自性覺悟本無眠睡比丘當知菩薩是時念仙人故從睡而寤王自抱持授與仙人仙人跪捧周遍觀察見菩薩身具足相好超過梵王釋提桓因護世四王光明照曜逾百千日既見是已即起合掌恭敬頂禮種種稱揚歎未曾有斯大丈夫出現於世右遶三匝捧持菩薩作是思惟今當有佛出生於世自恨衰老不值如來常處長夜恒迷惑於是悲啼懊惱戲歎哽咽時輸檀王見阿斯陀仙如是哀感不能自勝王及姨母一切眷屬皆悉啼泣白仙人言我子初生之時已召相師占問善否皆大歡喜以為奇特今者大仙悲淚如是我等眷屬非無疑心吉凶

之事願為我說時阿斯陀仙技淚而言惟願
大王勿懷憂慮我今哀歎無有異情自傷年
老死時將至不聞正法不覩佛興大王當知
無量衆生被煩惱火之所燒害佛當能灑甘
露法雨為滅除之無量衆生行於邪見曠野
之中佛當能示涅槃清淨之道無量衆生繫

王三

十五

在煩惱牢獄佛當能宥使得解脫無量衆生
閉於生死不能自出佛當能與開方便門無
量衆生為煩惱箭之所中傷佛當能拔令免
斯苦大王如優曇華時時一現諸佛如來出
興於世亦復如是我今所恨不見此時自惟
失祐是故悲耳大王若人值佛坐菩提座降
伏魔怒轉于法輪當知是人必獲勝果大王
乃有無量衆生值佛出世奉持正教得阿羅
漢我恨彼時不預斯事是故悲耳大王如韋
陀論中所記王之太子必定不作轉輪聖王
何以故三十二大人相極明了故王宮何等名
爲三十二相仙言三十二相者一者頂有肉

髻二者螺髮右旋其色青紺三者額廣平正
四者眉間毫相白如珂雪五者睫如牛王六
者目紺青色七者有四十齒齊而光潔八者
齒密而不疎九者止齒白如軍箚華十者梵音聲
十一味中得上味十二舌軟薄十三頰如師
子十四兩肩圓滿十五身量七肘十六前分
如師子王膽十七四牙皎白十八膚體柔軟
細滑紫磨金色十九身體正直二十垂手過
膝二十一身分圓滿如尼拘陀樹二十二一
毛孔皆生一毛二十三身毛右旋上靡二
十四陰藏隱密二十五髀臍長二十六腨如
伊尼鹿王二十七足跟圓正足指纖長二十
八足趺隆起二十九手足柔軟細滑三十手
足指皆綱縵三十一手足掌中各有輪相轂
輞圓備千輻具足光明照耀三十二足下平
正周遍察地大王王之聖子具此三十二大
人之相分明顯著如是之相惟諸佛有非輪

王有

大王聖子復有八十種好不合在家作轉輪
王必當出家得成佛道王言大仙何者名爲
八十種好仙言八十種好一者手足指甲皆
悉高起二者指甲如赤銅三者指甲潤澤四
者手文潤澤五者手文理深六者手文分明
顯著七者手文端細八者手足不曲九者手

王三十六

指纖長十者手指圓滿十一手指端漸細十
二手指不曲十三筋脉不露十四踝不現十
五足下平十六足跟圓正十七脣色赤好如
頻婆果十八聲不龐獢十九舌柔軟色如赤
銅二十聲如雷音清暢和雅二十一諸根具
足二十二臂纖長二十三身清淨嚴好二十
四身體柔軟二十五身體平正二十六身無
缺減二十七身漸纖直二十八身不動搖二
十九身分相稱三十膝輪圓滿三十一身輕
妙三十二身有光明三十三身無斜曲三十
四齋深三十五齋不偏三十六齋稱位三十
七齋清淨三十八身端嚴三十九身極淨偏

直五十四兩目明淨五十五目無垢穢五十
六目美妙五十七目脩廣五十八目端正五
十九目如青蓮六十者眉纖而長六十一見
者皆生喜六十二眉色青紺六十三眉端漸
細六十四兩眉頭微相接連六十五頰相平
滿六十六頰無缺減六十七頰無過惡六十
八身不缺減無所譏嫌六十九諸根寂然七
十者眉間毫相光白鮮潔七十一額廣平正
七十二頭頂圓滿七十三髮美黑七十四髮
細軟七十五髮不亂七十六髮香潔七十七
髮潤澤七八十八髮有萬字七十九髮彩螺旋
八十者髮有難陀越多吉輪魚相大王此是

十七

聖子八十種好若人成就如是八十種好不

應在家必當出家得阿耨多羅三藐三菩提提

時輸檀王聞阿斯陀仙如是語已身心泰然

歡喜踊躍從座而起頂禮菩薩而說偈言

汝爲帝釋諸天人 一切恭敬稽首禮

及爲一切諸神仙 皆來恭敬而尊重

爲諸世間之塔廟 故我頂禮自在王

諸比丘輸檀王爲阿斯陀仙及那羅童子施設種種飲食上妙衣服右遶頂禮時阿斯陀仙撫那羅童子左肩乘虛而去是時仙人語童子言不父有佛出興於世汝當往詣求請出家於長夜中得大利益

方廣大莊嚴經卷第三

王三

藥累如 飄搖正 蘭蓋於 檇謝翥 鳥孔擎 力輿舉並
余頤駿子二音駿子 捷葉驥子驥 纓纓惠 帜跋 驪袞牒 瑰蒲妹
鼓吹下 去屏除 一聲并 簪高 紋勇 辨髮上 蒲反 寂訥上
奴骨惺悟 上息井 紋弗 築祥 懷虛 沃烏 壞而
歎歎二字 枝亡 睞睫 接頰古 肘知 脾蒲 腸時

方廣大莊嚴經卷第四

王四

唐中天竺國沙門地婆訶羅譯

入天祠品第八

爾時佛告諸比丘菩薩生已諸刹帝利婆羅門居士長者豪富之家二萬童女皆悉擬爲菩薩嫁女王及大臣亦各有二萬童女擬爲

菩薩嫁女此等諸女皆與菩薩同日而生是時釋種耆舊詣輸檀王所白言大王今者可將太子謁於天廟以祈終吉王時許之即遣所司淨諸城郭廊肆巷陌所有盲聾瘡瘍諸根不具瓦礫糞穢諸不吉祥皆悉除屏擊福德敲扣善相磬所由之門皆令藻飾又諸國

王長者居士婆羅門等剋期同集無量嫁女車徒騎從諸吉祥瓶香油香水悉令盛滿婆羅門子夾於衢路詠吉祥音諸天祠廟皆悉嚴好如是等事一切成辦時輸檀王入於後宮告摩訶波闍波提言欲將太子往於天廟并勑宮人並須嚴飾摩訶波闍波提以諸寶